



EDITORIAL

Labanan ti panangidadanes, pasismo ken panagtraydor ti rehimen US-Marcos

Ikut ti saan a magungon a determinasyon, ken iti silaw ti panangidaulo ti Partido, sipipinget a dalyasaten ti nalawa a masa ti umili iti umay a tawen ti narigat a dana ti pannakidangadang tapno papigsaen ti panaglaban da iti korap, manangidadanes ken traydor iti pagilyan a rehimen US-Marcos.

Kumaro a kumaro ti kasasaad ti mayorya ti umili a Pilipino gapu kadagiti parigat ken padagsen a patakaran ken programa ti rehimen US-Marcos. Iti napalabas a tawen, ad-adda a nagsuwek ti panggimong a kasasaad ken pagbiagan ti umili. Gapu kadagiti patakaran a mangnamnama iti importasyon ken mangpatpatay iti lokal a produksyon, dandani awan ressat ti panagtayok ti presyo ti taraon, langis ken dagiti basaran a pagkasapulan, karaman ti paggastosan iti salun-at, edukasyon ken dadduma pay a serbisyo.

Agintutuleng ni Marcos iti pukaw ti masa a mangmangged para iti

nainkalintegan a sweldo a makabiag kadagiti pamilya da. Purpurwakan ni Marcos ti sinsilyo dagiti mangmangged bayat a nabnabsog dagiti gangannaet a dadakkel a kapitalista. Agsusumbangir ti panagkamkam dagiti apo't daga ken dadakkel a plantasyon ken kumpanya iti minas iti daga dagiti mannalon.

Maag-agawan ti pagbiagan dagiti mangngalap, dagiti drayber ken opereytor ken dadduma pay a sektor ti masa nga anakling-et. Agkurkurang ti trabaho, nangruna para kadagiti agtutubo, iti ekonomya a saan nga industriyalisado. Nu anya la ditan ti serserken a pagsapulan ti mi-

nilyon a mangmangged ken mayorya dagiti pamilya nga agbibigay iti sangka-kur-ay sangka-tuktok. Rinibo ti inaldaw a mapupwersa nga agballasiw-taaw tapno makigasanggasat tapno makasapul bassit para kadagiti pamilya da.

Kumaro a kumaro ti saan a panagpapatas ken kinaawan hustisya iti gimong. Bayat a ti kaadwan ket lumablaba tapno agbiag iti tengnga ti kinarigat, tuloy-tuloy met nga agpappapas iti aglaplapiyan ken kinababayuboy ni Marcos ken dagiti korap a burukrata na, dagiti pababoranna a kapitalista ken dadakkel nga apo't daga. Ti pamilya a Marcos mismo ket agbibigay iti kinagarbo, masansan a panagruar iti pagilyan, dagiti pasken ken konsyerto idia Malacañang, panagaramat ti helikopter para iti pribado a byahe ken dadduma pay. Agak-akup da ti dak-

dakkel pay a kinabaknang babaen ti korapsyon, dagiti kikkak, panaggundaway kadagiti mangmangged ken mannalon, ken panaggamrud iti natural a kinabaknang ti pagilyan.

Nangruna iti sango ti umay nga eleksyon, makumikom tatta ti agarari a bunggoy ni Marcos iti konsolidasyon ti turay tapno bukodan ti poder. Ar-aramaten na daytoy laban iti umili ken iti karibal na iti pulitika. Kugkugtaran na tatta dagiti Duterte nga inalyado na iti panagsaur iti eleksyon 2022. Nupay kasta, agintutuleng isuna iti arungaing ti umili nga ipaaresto ni Rodrigo Duterte ken padisien ni Sara Duterte tapno mapanggeddeng a madusa da iti nakaad-adu a krimen ti pammapatay ken panagtakaw iti kaban ti kinabaknang ti umili.

Awan-sarday ti brutal a gera ti panagikuspil ni Marcos. Kumaro pay ti terorismo ti estado tapno rebbeken ti dangadang ti umili. Iti linged dagiti deklarasyon nga "insurgency-free," ipatpataw ni Marcos ti saan a deklarado a linteg militar iti rinibo a barangay iti kaaw-awayan a nairut a konkontrolen dagiti pasista nga babanun na. Papaileten ni Marcos ti tay-ak ti ligal a dangadang. Iti kaaw-awayan man wenno kasyudadan, awan patengga ti sarbeylans,

panaglipit, *red-tagging*, panag-aresto ken panagisampa kadagiti pinarbo a kaso laban iti masa a tumaktakder ken lumablaba para iti patriyotiko ken demokratiko nga interres ti umili.

Napeklan ti panagtraydor ni Marcos iti umili a Pilipino iti panagtamed na iti turay ti imperyalista nga amo. Iti sidong ti aso-aso a ni Marcos, saan a maartapan ti kinarapal ti interbensyon a militar ti US. Bulsek a sursurotenna ti amin a pagayatan ti US, karaman ti panagitakder ti nayon pay a base militar ken sikreto a pasilidad. Ispasidong na ti reaksyunaryo nga armado a pwersa iti mandar ken kontrol dagiti upisyal militar ti US. Ipapausar ni Marcos ti pagilyan iti US iti panangpabara iti armado a binnusor da iti imperyalista a karibal na a China, karaman ti panaglayag dagiti higante nga armada ti US Navy iti uneg mismo ti arkipelago ti Pilipinas.

Iti umay a tawen ken panawen, kasapulan nga ad-adda a papigsaen ti nalawa a masa ti umili a Pilipino ti dangadang da laban iti aso-aso, parigat ken pasista a rehimen Marcos. Nasken nga ipan amin a pigsa a pandayen ti determinasyon ken kabaelan ti umili a bumangon ken agprotesta. Rumbeng nga ipamatmat da ti

pungtot iti kinainutil daytoy nga ibaba ti presyo ti taraon ken dagiti gagatangen ken pannakapaay nga agparnuay ti regular a trabaho para iti minilyon a mangmangged. Kasapulana nga ilabanda ti demokratiko a kadawatan da para iti daga, nayon a sweldo ken tangdan, pagbiagan ken naan-anay a serbisyo a panggimong.

Sipipinget a patibkeren ti determinasyon ti umili a Pilipino tapno buraken ti terorista nga alyaw ti rehimen US-Marcos. Kasapulan a natured a labanan da ti pasismo ti estado

iti amin a pamuspusan. Ikkan boses ti amin a biktima dagiti pampapatay ken kinaranggas ti military iti kaaw-awayan ken kasyudadan. Urnongen ti pigsa da iti sangsangkamaysa a panagmartsa iti amin a paset ti pagilyan tapno ipukkaw ken ilaban ti hustisya. Nasken a tumakder ti intero nga umili para iti karbengan ken hustisya para iti amin a biktima.

Rumbeng nga ipamatmat ti umili ti patriyotiko a pungtot ken Marcos, papigsaen ti pukkaw tapno dupraken ti amin a base militar ti US, ikkaten ti amin nga armada a panggubat ti US nga iyim-imbak na ditoy Pilipinas, supyaten dagiti panagsanay iti gera ken pagtalawen ti amin a tropa nga Amerikano, pati dagiti tropa ti Japan nga iguyguyod ti US. Kasapulan nga ilaban ti umili ti pudno nga agwaywayas a patakaran a pangruar a mangitantandudo iti kapyra ken dayalogo, partikular tapno risuten dagiti susik a pangbaybay iti China.

Determinado ti Partido a rimbanan dagiti pagkapuyan iti napalabas ken ingato ti kabaelan daytoy a nasaknap nga idauluan ti masa. Guyguyugoyen daytoy ti amin a kadre na ken ti rebolusyonaryo a masa nga ad-adda pay a pandayen ti determinasyon da a palawaen ken papigsaen ti Partido, ti New People's Army ken dagiti rebolusyonaryo nga organisasyon ti masa, iyabante ti nailyan-demokratiko a rebolusyon ken ingge't kabaelan a gun-oden dagiti balligi itatta a tawen ken iti sumangbay a panawen.



Tawen LVI No. 1 | Enero 7, 2025

Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagduras ti pagiwarnak tayo.

Linaon

Editorial: Labanan ti panangidadanes, pasismo ken panagtraydor ti rehimen US-Marcos iti umili 1

Arig na didigra ti itden ti rehimen US-Marcos 3

Maika-56 anibersaryo ti PKP, narambakan 4

Panaglayag ti USS Carl Vinson iti Pilipinas, nababalaw 4

Awan-sarday a panaglalsing iti karbengan-tao 5

Panaglukat iti *municipal waters*, nababalaw 5

Iti ababa a sarita 6

Pannakikaykaysa kadagiti balud pulitikal, papigsaen 7

Militarisasyon iti komunidad iti Cebu 8

Last mile school: korapsyon ken kontra-insurhensya 9

Imperyalista nga interbensyon iti Syria 10

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

 ang.bayan@cpp.ph

Didigra iti umili ti ituntunda ti rehimen US-Marcos

Saan a nasaliwanwan a baro a tawen nu di ket nayon a parigat ti ituntunda ti rehimen US-Marcos iti iseserrek ti 2025. Umuna pay laeng nga aldaw ti tawen, bimmalandran iti publiko ti baro a serye ti panagngato ti presyo dagiti gagatangen ken singir. Dagitoy ket baro a basnut iti pagbiagan ken kumarkaro a kundisyon iti panagbiag ti umili.

Napasingkeda idi Enero 1 ti maikatlo iti serye ti panagngato ti singir iti serbisyo ti danum idia Metro Manila a ₱7.32 para iti Maynilad Water Services ken ₱5.95 kada kubiko metro iti Manila Water Company. Idi Enero 7, naipangato ti presyo ti gaas ken diesel iti ₱1 ken ₱1.40/litro. Kabayatanna, Enero met laeng ti panagrugi ti panagngato ti singir dagiti kumpanya ti kuryente batay iti inaprubaran ti Energy Regulatory Board a ₱3.05 bilyon para iti intero a tawen.

Naigiddan pay ti nayon a 1% a kaltas iti nakababbaban a sweldo dagiti mangmangged para iti Social Security System. Daytoy a panagngato iti singir ket pang-uppaten manipud 2018, a nangiduron iti kisasay iti sweldo ti ordinaryo a mangmangged manipud 12% agturong ti 15% iti binulan.

Dagitoy a padagsen ket kasilpo ti atiddog a listaan dagiti parigat nga inpataw ni Ferdinand Marcos Jr manipud idi nagtugaw isuna iti poder.

Iti napalabas a tawen, saan a

bumaba iti 31 a daras nga inngato dagiti kumpanya iti langis ti presyo dagiti produkto a petrolyo. Nagresulta daytoy iti kabuklan a panagngato iti ₱13.05 iti kada litro ti gasolina, ₱11.30 kada litro ti diesel, ken ₱6.95 kada kilo ti LPG (katukad ti ₱83 kada 11-kilogramo a tangke). Nayon a gastos daytoy iti panagpasada, panagkalap, panagtalon, sungrod ken kabuklan a transportasyon. Idi Nobyembre 2024, inyulat dagiti drayber ti dyip a nakissayan ti agingga ₱2,000 ti sapul da iti kada 25 aldaw a panagpasada. Nagulat met dagiti mangngalap ti panagkissay ti oras ti panaglayag manipud 6-8 agturong iti 4-6 gapu iti kina ngato ti presyo ti langis, a mangbukbukel iti 80% ti gastos da iti panagkalap.

Dumakkel a dumakkel ti ganansya dagiti kumpanya iti langis. Dimmakkel ti sapul ti Petron, kadakkelan a kumpanya ti langis iti pagilayan, agturong ti ₱17.3 bilyon iti umuna a gudwa pay laeng ti 2024. Ti uppat a sumaruno a kadakkelan a kumpanya ket kimmaud met ti

₱1.7-₱7 bilyon iti kapada a panawen. Nakigudwa ti rehimen US-Marcos iti superganansya a maakup iti nangato a presyo ti langis iti langa ti agtutuan a buwis nga ibakbaklay dagiti konsyumer.

Palpalubosan met ti rehimen dagiti kumpanya iti kuryente nga inngato iti innem a daras ti singir ditoy. Idia Metro Manila ken dagiti kaa-sideg a prubinsya a sakupen ti kumpanya a Meralco, nagresulta daytoy iti panagngato ti singir ti agingga ₱2.07/kwh wenno nayon a ₱415.02/bulan iti maysa a pamilya a mangkunkunsumo ti 200 kwh tunggal bulan. Kankanen daytoy ti agingga 17% ti minimum a sweldo ti maysa a mangmangged. Iti dadduma a paset ti pagilyan, adda ti panawen a timmayok agturong ti ₱19/kwh ti singir dagiti distribyutor ti kuryente.

Iruprupir ti rehimen ti "pagkasapulan" dagiti kumpanya nga ingato ti singir tapno kano "masubbot" dagitoy dagiti panagngato ti *generation charge* nga ituntunda met ti panagngato ti presyo ti kuryente iti Wholesale Electricity Spot Market (WESM). Kas ti langis, ti WESM ket monopolisado ti kadakkelan a burgesya kumprador, nga addaan sapi, nu saan ket direkta nga agtagikua kadagiti kumpanya a distribyutor. Maysa kadagitoy a kumpanya ti Meralco nga agparpartwat ken agilaklako ti enerhiya iti WESM babaen ti Meralco PowerGen Corporation ken Cebu Energy Development Corporation, ken sumsumrek iti Power Supply Agreement iti bukod daytoy a kumpanya.

Bayat nga agparparigat ti umili nga agsapul tapno saanda a maputadan ti serbisyo, inpannakkel ti Meralco a madanon daytoy ti ₱43 bilyon a neto a sapul a target iti 2024, a 17% a dakdakkell ngem iti sapul daytoy idi 2023.

Idi 2024, dimmanon iti ₱7.87 kada kubiko metro ti nayon a singir

"Didigra ti umili..." suruten iti panid 4

Panagngato ti presyo/singir iti 2025		
	Produkto a petrolyo	₱11.30-₱13.05/litro
	Danum	₱6.41-₱7.87/kubiko metro
	Kuryente	₱2.0751/kWh (Meralco)
	Baro a kaltas ti SSS	₱750-₱1,220/bulan

ti danum idia Metro Manila. Mai-kadwa daytoy iti 5 a tukad ti panagngato ti singir a nangrugi idi 2023. Paset daytoy ti inaprubaran ti Metropolitan Waterworks and Sewerage System (MWSS) a 5-tawen a programa tapno "masubbot" dagiti kumpanya ti "malugi" kadakuada gapu iti implasyon ken tapno nayunan ti imprastruktura para iti "nasimsimpa" a serbisyo. Naituding iti programa nga inton 2027 ket dumanon iti ₱19.25 agingga ₱20.37 kada kubiko metro ti kabuklan a nayon a singir, ngem tallo a tawen pay laeng ket dimmanunen iti ₱18.48 ken ₱20.40.

Malaksid iti dua a kumpanya iti NCR, nagipatungpal met ti nangatngato a singir nga agingga iti 32% ti Davao City Water District. Paset daytoy ti kabuklan a 60% a panagngato nga inpatungpal ti kumpanya manipud 2022. Kayat a sawen daytoy a ₱60-₱80 ti nayon a singir kadagiti pamilya nga agkunsumo ti 20 metro kubiko iti binulan.

Iti bangir na, nakabasbassit, nu adda man ti gin-awa nga inted ti reaksyunaryo nga estado iti umili. Nakabasbassit a ₱31.29 iti inaldaw ti kadawyan a nayon iti sweldo nga inmandar ti 14 a *regional wage board*. Kababaan ti nayon a sweldo para kadagiti mangmangged iti agrikultura (₱21/aldaw) ken kangatuan iti saan nga agrikultura (₱75/aldaw), iti Calabarzon. Siyam a rehiyon met ti nangipangato ti sweldo dagiti agtagibalay a ₱500-₱1,000/bulan. Bin-ig nga insulto daytoy kadagiti mangmangged nangruna ta addan ₱1,200 ti rumbeng a minimum a sweldo tapno agbiag a disente ti maysa a 5-katao a pamilya.

Kabayatanna, nanayunan laeng ti nasurok ₱200 ti sweldo dagiti kababaan nga empleyado iti mandato nga inparuk-at ti rehimen iti nasapa a paset ti 2024. Saan a sinaklaw daytoy a mandato dagiti empleyado a nakaipasidong iti sistema a *job order/contract of service* ken dagiti lokal a gubyrno.

AB

Maika-56 anibersaryo ti CPP, narambakan

NAGISAYANGKAT KADAGITI AKTIBIDAD ti nadumaduma a yunit ti New People's Army (NPA) ken rebolusyonaryo a masa agpada iti kaawayan, kadagiti il-ili ken kasyudadan iti pagilyan tapno rambakan ti maika-56 anibersaryo ti Communist Party of the Philippines (CPP).

Idia Manila, nagisayangkat ti apagdarikmat a rali (lightning rally) dagiti alyado nga organisasyon ti National Democratic Front (NDF)-Metro Manila idi Disyembre 23, 2024 idia Recto Avenue tapno itag-ay ti anibersaryo ti CPP. Iti martsa, nagpanawagan da iti umili a Pilipino nga iyabante ti nailyan-demokratiko a rebolusyon iti tengnga ti kumarko a kinarigat ken umir-irteng a susik iti pulitika ti agar-ari a dasig.

Idia Rizal, insayangkat ti NDF-Rizal ti Oplan-Sabit ket Oplan-Dikit iti panagrugi ti 2025. Tampok dagiti namaris ken makaawis iti imatang a balatengga a nagrambak iti anibersaryo ti Partido a naisab-it kadagiti natao a sentro ti Antipolo City. Inkasa da met ti aduan a panagisab-it kadagiti istiker ken nagibunong da ti polyeto panggep iti NPA.

Indanon met ti nailyan a pamunuan ti Compatriots, Katipunan ng mga Gurong Makabayan ken Makabayang Kilusan ng Bagong Kababaihan ti kablaaw da iti Partido. Manipud met kadagiti internasyunal a partido ken gagayyem ti CPP, nagiyebkasen ti kablaaw ti Communist Party of Australia (Marxist-Leninist), "Serve the People" (Vietnam), Anti-Imperialist Action Ireland, Communist Party of Canada (Marxist-Leninist), Friends of the Filipino People in Struggle ken dagiti balangay daytoy iti nadumaduma a paset ti lubong.

Panaglayag ti USS Carl Vinson iti soberano a kabaybayan ti Pilipinas, rumbeng a babalawen

NAGPANAWAGAN TI COMMUNIST Party of the Philippines iti umili a Pilipino a nainget a babalawen ti panaglayag ti US Carrier Strike Group (CSG) One idia Surigao Strait iti nagbaetan ti Leyte ken Mindanao idi maudi a lawas ti Disyembre 2024. Garapal ti inaramid daytoy a panagbal-lasiw iti soberano a kabaybayan a sakop ti Pilipinas manipud Pacific Ocean agturong ti West Philippine Sea.

Ti pormasyon a nabal ti US, nga idadauluan ti USS Carl Vinson *aircraft carrier*, maysa a halimaw a panggubat nga addaan kabaelan nga agawit ti maysa a dakkel a nukleyar nga arsenal. Awit daytoy ti tallo pay a barko a panggubat.

Kabayatanna, bin-ig a panagpakaaso-aso iti imperyalista a US ti panangiyangunsyo ti AFP ken Department of National Defense nga agplanplano dagitoy a gumatang ti Typhon Mid-range Capability (MRC) missile system manipud iti US. Idi Abril 2024, nagipwesto ti US ti Typhon missile iti amianan a paset ti Luzon nga naaramat iti Balikatan war games. Saan pay laeng a naikkat daytoy.

Kasaruno daytoy, balbaliw nga induron ni Surigao del Norte 2nd District Rep. Robert Ace Barbers idi Enero 2 nga maaddan ti Enhanced Defense Cooperation Agreement site iti prubinsya na. Kunana, kasapulan daytoy iti prubinsya gapu ta "bulnerable ti daya a paset ti pagilyan kadagiti ismagler ken pannakibiang ti gangannaet."

Segun ken Marco Valbuena, upisyal iti impormasyon ti Partido, kakaruan ti panagpakaaso-aso ni Marcos iti imperyalista nga amo na a US iti pannakikunsabos iti panangrabngis iti soberanya ti Pilipinas. "Ipakpakita daytoy nu kasano nga maar-aramat ti pagilyan a pangisayangkatan kadagiti operasyon ti US iti panangipakita iti pigsa na iti Pasipiko ken kas paspasurot iti ar-aramiden ti US a panangpairteng ti inter-imperyalista a tensyon," kunana.

Awan-sarday a panaglabsing ti AFP iti karbengan- tao

Iti tengnga ti panagrambak iti paskwa, awan-sarday ti panagatake dagiti yunit ti Armed Forces of the Philippines (AFP) iti umili a Pilipino. Kadagiti maundi nga al-aldaw ti Disyembre 2024, awan-ressat dagiti kaso ti pammapatay, panagaresto ken panaglabsing dagiti berdugo iti internasyunal a makatao a linteg.

Pammapatay. Pinaltogan ken pinatay dagiti soldado ti AFP a nakaistasyon iti Barangay Paguihaman, Uson, Masbate ti dua a barito nga agaw-awid laeng manipud iti Christmas party iti nasao a barangay idi parbangon ti Disyembre 27, 2024. Dagus a pimmusay ti 18-anyos a ni Redjan Montealegre, residente ti kaabay a Barangay Mongahay, ken ti 14-anyos a ni JP Osabel, residente ti Barangay Mabini. Agpada da a pinaltogan iti ulo dagiti soldado.

Inamin mismo dagiti soldado ti pammapatay iti dua. Kunada, inpagarup da a dagiti biktima ket dagiti armado a mannakigubat ti NPA.

Panagaresto. Tallo a mangmangged iti panagdur-as nga addaan pakainaigan iti Paghida-et sa Kauswagan Development Group Incorporated (PDG Inc) ti inaresto dagiti pulis idi Enero 2 idia y Negros Occidental. Da Federico Salvilla, Perla Jaleco ken Dharyll Albanes ket naaresto kadagiti kaso ti "terrorism financing" wenno panaglabsing iti Terrorism Financing and Suppression Act of 2012.

Ti PDG Inc ket maysa nga organisasyon iti sentral ken abagatan a paset ti Negros Island a mangintandudo iti karbengan dagiti mannalon ken mangngalap para iti sustainable nga agrikultura ken reporma iti gimong.

Panaglabsing iti internasyunal a makatao a linteg. Idi Oktubre 31, 2024, sibibiag a kinemmeg ti 12th IB ni Alvin Panoy (Ka Benmar) iti napasamak nga engkwentro idia y Sityo Hilwan, Barangay Manika, Libacao, Aklan. Ingalut isuna dagiti soldado ken simmaruno a nagpukkaw dagitoy ti "advance happy new year" ken nagibulos ti agsasaruno a putok ti paltog. Kinarit pay dagiti soldado a subboten dagiti Nalabbaga a mannaki-

gubat ti bangkay manipud kadakuada.

Idi Disyembre 10, 2024, tinadtad ti bala ti 12th IB ti bangkay ni Jyrel Katipunan (Ka Jason) a napatay iti maysa nga engkwentro idi Disyembre 9 iti Barangay Tacayan, Tapaz, Capiiz. Segun iti NPA, maysa laeng a tama ti bala iti bagi na ti linak-am ni Ka Jason a dagus nga inpatay na. Inpadda da ti bangkay iti maysa a nasulinek a lugar, tapno ipaala kadagiti kapamilya na ngem natakwatan daytoy dagiti pasista a soldado iti sumaruno nga aldaw.

Idia y Oriental Mindoro, mano nga aldaw a linipit ken pinarigat ti 4th IB ti pamilya ti Nalabbaga a mannakigubat a namartir a ni Marife Gayadan, maysa a Mangyan-Iraya, manipud idi rinugianda nga alaen ti bangkay ti kapamilya da. Namartir ni Gayadan iti maysa nga engkwentro ti 4th IB ken New People's Army (NPA) iti Sitio Tinis-an, Barangay San Vicente, Roxas, Oriental Mindoro idi Disyembre 18, 2024. Kamaudianna, intakas dagiti soldado ti bangkay ti martir ken dagiti kapamilya na tapno "iyawid" iti balay da. Agingga iti punpon ket binantayan isuda dagiti soldado.

Demolisyon. Naranggas a dine-molis dagiti mabaybayadan a maton ti nasurok 100 a kabalbalayan idia y Dalat, San Roque, Bangkal, Davao City idi Disyembre 21, 2024. Segun iti Kalipunan ng Damayang Mahihirap (Kadamay)-Davao, tallo a residente ti nadunor iti naranggas a panagduprak kadagiti balbalay iti komunidad. Dagiti tauhan ti demolisyon ket agtaud iti lokal a guberno.

Panaglipit. Pinaliiw ken linipit dagiti tauhan ti National Task Force (NTF)-Elcac ti kabuklan a kalihim ti Gabriela-Southern Tagalog a ni Krizia Cirujan idi panawen ti paskwa.

Napan ti dua a lallaki a nagkedked nga agpakaammo iti balay ti pamilya ni Cirujano idia y Dasmariñas City, Cavite idi Disyembre 19, 2024.

Atake iti unyon. Iligal nga inikkat ti kapitalista ti Paperland Inc. ti presidente ti unyon ditoy a Militanteng Manggagawa ng Paperland Inc. (MMPI-ANGLO-KMU) idi Disyembre 22, 2024. Naikkat iti trabaho ni Renato Ayroso gapu iti panagtakder na iti collective bargaining agreement (CBA) da ken dadduma pay a karbengan ti mangmangged. Inaramat ti kapitalista a kaso laban ken Ayroso ti "insubordination" wenno saan a panagsurot iti mandar ti awtoridad. Ni Ayroso ket nabayagen a pagbabaraan da gapu iti panaglaban na iti CBA, Occupational Safety and Health (OSH) inspeksyon ken dadduma pay a karbengan dagiti mangmangged. **AB**

Panaglukat iti *municipal waters* iti komersyal a panagkalap, nababalaw

NAINGET A KINUNDENAR dagiti grupo ti mangngalap ti pananganamong ti Korte Suprema iti petisyon ti maysa a kumpanya nga ilukat ti *municipal waters* iti panaggamgam ti dakkal a komersyal a pagkalap. Ti *municipal waters* ket kabaybayan a saklaw ti 15 kilometro manipud iti igid-baybay.

Segun iti Pamalakaya, da-daen daytoy a desisyon ti pagbiagan ti adda iti 2 milyon a mangngalap. Saan a kabaalan a makipagkumpetisyon dagiti babassit a mangngalap nga agus-ussar ti tradisyunal ken manwal a pamuspusan ti panagkalap kadagiti abante, ken masansan ket makaperdi a ramramit ken teknolohiya ti komersyal a mangngalap, kuna daytoy.

Gapu iti abante a ramramit, napasas nga ib-ibusen ti dakkal a barko a pagkalap ti amin a klase ti gameng ti baybay.

128%

depisit ti
nailyan a
badyet idi
Nobyembre,
katukad ti
₱1.18 trilyon.

6%

wenno 11 laeng iti 186
a mayor a proyekto nga
imprastruktura
ti agtultuloy ti
konstruksyon na iti 2025.

Babbabalawen ti adu
ti nakadakkkel nga
alokasyon ditoy iti
nailyan a badyet.

3 ti naiyulin nga **impeachment
complaint** laban ken Sara
Duterte idi Disyembre 2024



57%

ti mapatta-patta
a tantos ti
kinarigat iti intar
dagiti ubbing
57% iti umuna a
patta-patta.

Nagtaudan: PIDS

97.94%

ti nagastos ti DAR iti badyet para iti
CLOA idi 2022 ngem 32.94% laeng
ti nagun-od daytoy a target para iti
panagparehistro.

Nagtaudan: COA

₱194 B

nakabasbassit
a kinissay ni
Marcos iti
badyet iti
imprastruktura
iti 2025 badyet
tapno laeng
parwaren a
nababbaba
daytoy
kumpara iti
badyet iti
edukasyon.

1,000

kiskisan ti **pagay ken
mais ti nagserra
manipud 2012-2022,**

kaadwan kalpasan a naaramid a linteg
ti liberalisasyon ti importasyon ti
bagas a nagresulta iti panagbagsak ti
produksyon ti pagay ken mais.

Nagtaudan: 2022 Census of
Agriculture and Fisheries



15,000

laeng ti nayon a klasrum a
plano nga itakder ti DepEd
iti 2025, idinto a 250,000 ti
kakurangan iti intero a
pagilyan.

Papigsaen ti pannakikaykaysa ti umili kadagiti balud pulitikal

Saan a malapdan dagiti rehas a landok ken kampanya iti panagikuspil ti rehimen Marcos ti agtultuloy a panagrubrob ti kapanunotan a patriyotiko ken dangadang dagiti balud pulitikal iti Pilipinas. Nainkalintegang laeng a sungbatan daytoy ti umili a Pilipino iti saan nga agkupas a suporta ken pannakikaykaysa.

Dagiti balud pulitikal ket biktima ti awan-sarday a kontra-rebolusyonaryo a gubat nga isaysayangkat ti reaksyunaryo nga estado. Isuda ket natiliw ken naibalud gapu iti pannakilaban da para iti interes ti masa nga anakling-et. Isuda ket naidarum kadagiti kaso a kriminal tapno ilibak a pulitikal dagiti kaso da. Ti agtultuloy a pannakabalud da ket labsing kadagiti karbengan a sibil dagiti balud pulitikal.

Iti listaan ti Karapatan, saan a bumaba iti 757 ti agdama a bilang dagiti balud pulitikal iti pagilyan. Adda ti 103 a natataengan ken 97 ti agsakit. Dimmanon iti 156 ti babbai ken adda ti 17 a konsultant ken istap iti saritaan iti kapya ti National Democratic Front of the Philippines (NDFP) ti nakabalud. Iti sidong ti rehimen Marcos, naaresto ken naibalud ti saan a bumaba iti 148 a balud pulitikal.

Nakaro ti kasasaad a mapadpadasan dagiti balud pulitikal ken kadawyan a balud a Pilipino iti uneg dagiti pagbaludan, Magudwa iti dua dagiti balud: 117,850 a balud a maipasasidong iti panagusig ti korte bayat a nakabalud kadagiti pagbaludan ti Bureau of Jail Management and Penology ken ti 53,397 a balud a nakedngan ken nakabalud kadagiti pagbaludan ti Bureau of Corrections.

Kangrunaan a parikut da ti nabuntog a panaggunay ti hustisya iti pagilyan. Agresresulta daytoy iti nakail-ilet a pagbaludan. Agsagsagaba da iti kurang ken saan a nasustansya a taraon iti pagbaludan, nababa a kalidad ti serbisyo a medikal ken nalabes a panagirut kadagiti bisita da.

Agpapaut iti tawen wenno mano a dekada dagiti panagusig. Makaruk-at ti dadduma kalpasan a maabswelto ngem naibaluden iti adu

a tawen. Iti kaso dagiti balud pulitikal, adda dagiti maabswelto iti orihinal a kaso, ngem saan a naruk-atan gapu iti panagiyuli ti "agtutuon a kaso" ti militar. Iti sidong ti rehimen Marcos, dumanonen iti walo a balud pulitikal ti natay iti sakit ken kinalakay bayat nga adda 12 iti panawen ti rehimen Duterte. Adda met dagiti ulat a ngumatngato ti bilang dagiti balud a Pilipino a mangketketel ti bukod da a biag gapu iti kinaawan ti namnama.

Pannakikaykaysa ken suporta

Manipud maikadwa a gudwa ti 2024, rimmegta ken nagbwelo dagiti kampanya dagiti nailyan-demokratiko a grupo ken dagiti salaknib ti karbengan-tao tapno suportaran ken ruk-atan dagiti balud-pulitikal. Naisayangkat ti baro a kampanya idi Hunyo 27, 2024 iti Bantayog ng mga Bayani idiy Quezon City iti panangiyuna ti Samahan ng Ex-Detainees Laban sa Detensyon at Aresto ken 13 pay nga organisasyon.

Kabinnadang ti grupo a Kapatid, ti timpuyog dagiti kakabagyan dagiti balud pulitikal ken dagiti boluntir, naiyaramid ti serye dagiti panagbisita ken panangited ti suporta dagiti balud pulitikal nangruna idi Disyembre 2024. Nagitulod da ti suporta a materyal kas panagrambak iti paskwa ken suporta a moral tapno papigsaen ti pakinakem dagiti balud pulitikal.

Naiyaramid dagiti panagbisita kadagiti pagbaludan iti Taguig City, Mandaluyong City, Quezon City, Muntinlupa City, Nueva Ecija, Pampanga, Tacloban City ken dadduma pay a lugar. Napan kadagiti pagba-



ludan dagiti tao ti simbaan, dagiti mangmangged iti salun-at, kabataan-estudyante ken dadduma pay a sektor. Adda met ti naisayangkat a panagkulekta kadagiti surat ken donasyon ti nadumaduma nga organisasyon, uray dagiti timpuyog ti migrante a Pilipino ken gangannaet.

Kalatakan kadagiti panagbisita ti panagrambak ti misa, maikadwa a daras para iti 2024, ti baro a nadutokan a kardinal a ni Cardinal Pablo Virgilio David idi Disyembre 26, 2024 idiy Camp Bagong Diwa, Bicutan, Taguig City. Karaman kadagiti nakapulapol ti kardinal dagiti detenido a konsultant iti kapya ti NDFP. Nagmisa met idiy Bago City District Jail idiy Negros Occidental idi Disyembre 30, 2024 ni San Carlos Bishop Gerardo Alminaza.

Inpanawagan ti dua a lider ti simbaan ti madagdagus a pannakawayawayaya dagiti balud-pulitikal. Nagpanawagan da met iti gubyrno nga agipasa ti maysa a linteg a mangted ti nainkalintegang a danyos wenno kumpensasyon kadagiti balud a nabayag a naibalud nga inabswelto met laeng ti korte.

Kadagito amin nga aktibidad, inpakita dagiti balud pulitikal ti saan nga agkupas a takder ken pakinakem da para iti nailyan ken demokratiko a tarigagay ti umili.

Militarisasyon kadagiti kataltalonan ken komunidad iti Cebu

Umir-irteng ti militarisasyon ken panagimula ti terorismo dagiti pwersa ti estado kadagiti kataltalonan ken komunidad ti nakurapay idiay Cebu. Laplapdan ti rehimen Marcos ti panagkaykaysa ken panaglaban dagiti Cebuano para kadagiti karbengan da kas pabor kadagiti apo't daga ken burgesya kumprador.

Panagkamkam ti daga idiay Aloguinsan

Inkapilitan ken limed a sinerrek ken nagkampo ti sumurok-kumurang 40 a soldado ti 31st Civil Military Operation (CMO) iti Sityo Camaren, Barangay Bonbon, Aloguinsan, Cebu idi Disyembre 4, 2024. Ti lugar ket sakupen ti 168 ektarya a daga a suksukayen ti San Roque Farmers' Association (SRFA) a nabayagen a kamkamkamen ti pamilya ti apo't daga a Gantuanco.

Saan nga umuna a gundaway daytoy a panaglipit ken panagkam-po ti militar iti lugar. Idi Agosto 2011, naranggas a dinuprak dagiti pulis ken soldado dagiti protesta ken panagkaykaysa dagiti mannalon a timmakder laban iti panag-agaw kadagiti talon da. Naaresto idi ti 39 a lider mannalon ken dagiti tagasuporta ti SRFA. Daytoy ket iti laksid ti panangbigbig ti Department of Environment and Natural Resources (DENR) kadagiti mannalon kas lehitimo a *claimant* iti daga. Awan sarday ti panaglipit dagiti Gantuanco ken militar kadakuada iti sumaruno a tawtawen.

Immirteng manen ti atake iti SRFA idi Oktubre 2022 idi simmangpet iti barangay ti 31st CMO Special Company. Nagbalay-balay dagiti soldado tapno lipiten dagiti mannalon nga "agpadalus" iti nagnagan da, kasukat ti bagas, nudels, tsinelas ken kwarta.

Nabutbuteng dagiti mannalon ken dagiti pamilya da a nu saan da nga agpirma ket maibalud da-

gitoy. Inkapilitan a "pinasurender" ti 17 a mannalon tapno dupraken ti SRFA. Nagitakder pay dagiti soldado ti kontrolado daytoy nga organisasyon dagiti mannalon a Sta. Cruz Famers Association nga idi agangay ket nagbalin a Camaren Farmers Association idi Hunyo 2023. Agdata nga inturayan ti militar ken National Task Force-Elcac ti lokal a gubyrno ti Barangay Bonbon ken dagiti upisyal ti ili ti Aloguinsan.

Iti sango daytoy, nairut a nagpanawagan ti SRFA kadagiti mannalon ken lokal a gubyrno a dagus a pagtalawen ti militar iti komunidad. Kasapulan a respetaren ti karbengan dagiti mannalon a tumakder laban iti mananggundaway ken mangidadanes nga apo't daga ken dagiti kakumplot na a militar.

Dagiti militarisado a nakurapay a komunidad

Kangrunaan a langa ti militarisasyon nga urban ti panagpakat dagiti yunit military kadagiti komunidad ti nakurapay iti

Metro Cebu. Iti napalabas a bulbulan, inyulat dagiti nakurapay ti presensya dagiti elemento ti 14th CMO Battalion iti Ermita, Pasil ken Mambaling. Malaksid ditoy, nag-ulat met ti presensya ti military dagiti nakurapay iti Qiout Pardo, ken uray dagiti taga-Mandauae ken Lapu-lapu City.

Idi agisayangkat ti asembliya dagiti nakurapay idi Disyembre 2, 2024, binisita dagiti soldado dagiti kameng dagiti *homeowners association* tapno bagaan isuda a saan da nga dumar-ay. Nasaknap ti *Red-tagging*, intimidasyon ken sarbeylans kadagiti nakurapay a komunidad.

"Inaramat da iti *psychological warfare* ti maulit-ulit a panagsaludsod kadagiti karruba nu sadinno ti balbalay dagiti lider, uray ammo dan ti lokasyon dagitoy ken bisitaen dagitoy nga awan idiay ti myembro wenno lider ken dagiti anak wenno kabsat ti pilpiliten da a makisarita kadakuada," pablaak ti Kadamay-Cebu.

Nag-ulat met ti kapada a panaglipit dagiti kameng ti Movement against Carbon Market Privitization, asosasyon ti babassit nga aglaklako a sumupsupyat iti pribatisasyon ti pangpubliko a palengke iti Carbon. Taktika da ti panangidiaya kadagiti aglaklako ti ayuda ken tulong manipud iti gubyrno nu umikkat iti organisasyon.

Idiay Mandaue City, inyulat dagiti residente ti panagsubli-subli ti 14th CMO tapno biruken ken lipiten dagiti myembro ti organisasyon ti nakurapay a lumablabaan iti iligal a demolisyon. Timmulong pay ti lokal a gubyrno iti panangtonton kadakuada bababen ti panangited ti listaan dagiti lider daytoy.



Programa a "last mile school" ti DepEd, para iti korapsyon ken kontra-insurhensya

Lima a tawen manipud idi naipatungpal ti Last Mile Schools Program (LMSP) ti Department of Education (DepEd), naibunannag ti kinabulok ti programa ken nasaknap a korapsyon ditoy. Naaramat met daytoy iti kampanya nga kontra-insurhensya tapno dupraken ti panagkaykaysa dagiti iskweleen ti Lumad iti Mindanao.

Ti LMSP ti DepEd ket naisayangkat idi Hulyo 18, 2019 tapno kano sungbatan ti kinakurang dagiti pasilidad ken rekursu iti adayo ken nasulinek a lugar wenno inawagan daytoy a geographically isolated and disadvantaged areas, a kangrunaan ket dagiti lugar ti katutubo. Iti napalabas a lima a tawen, nangawat ti programa ti saan a bumaba iti ₱14.01 bilyon a pondo pra iti panangitakder kadagiti pasilidad ken kakuyog daytoy a pagkasapulan. Nagilatang ti rehimen Marcos ti ₱3 bilyon ditoy para iti 2025.

Inyulat ti Commission on Audit (COA) idi Disyembre 2024 ti pannakapaay ti DepEd a kumpletuen dagiti proyekto nga imprastruktura kadagiti iskweleen para iti LMSP a napondoan idi pay 2021. Ti panagkwenta nga inyaramid ti COA ket basar iti nakalap daytoy a datos idi Disyembre 2023.

Naamuan ti COA nga agingga agtapos ti 2023, saan pay a nakumpleto ti DepEd ti 76 iti 98 a pasilidad nga aggatad ti ₱1.4 bilyon iti sidong ti LMSP. Palalo a naalarma ti COA a 22 laeng wenno 22.45% ti nalpas ti DepEd uray nagiruar daytoy ti ₱211.23 milyon a "mobilization fees" para kadagiti kontraktor.

Dagiti nasao nga imprastruktura ket rumbeng a nalpas iti uneg ti 150 aldaw manipud iti pannakaawat ti pammalubos nga aramiden daytoy ken saan a rumbeng a lumabes iti Mayo 31, 2022. Segun iti ulat, nasurok makatawen ken kagudwa wenno 555 aldawen ti pannakaitantan ti panangitakder kadagiti nasao a silid-pagadalan.



Ti nakatugaw a kalihim ti DepEd idi 2021 agingga 2022 iti sidong ti gubyrno a Duterte ket ni Leonor Briones, a sinukatan manipud Hunyo 2022 agingga Hulyo 2024 ni Bise Presidente Sara Duterte, iti sidong ni Marcos. Idi 2023, inpangas ni Duterte a maysa kadagiti prayoridad na ti LMSP. Kuna dagiti manursuro, kasapulan a singiren ken pagsungbaten isuda iti napalalo a saan a nasimpa a panangiwardas iti pondo ken rekursu ti departamento.

Kampanya a kontra-insurhensya

Segun kadagiti manursuro, saan laeng a simple a saan a nalpas ti gubyrno ti panangitakder kadagitoy a pasdek, ti nakarkaro ket ti panangrangnis iti karbengan dagiti estudyante iti edukasyon ken karbengan dagiti manursuro iti nasimpa a kasasaad iti panagisuro. Malaksid a nabalkot ti korapsyon, ti LMSP ket agdadata a nagserberi iti kampanya iti kontra-insurhensya. Ti panangisayangkat ti programa idi Hulyo 2019 ket nakabatay iti panagpaserra ti rehimen Duterte kadagiti pagadalan ti Lumad iti Mindanao nga ak-akusaran daytoy a patpatarayan ti Communist Party of the Philippines ken New People's Army.

Mano nga aldaw sakbay ti pormal a panagisayangkat iti LMSP, inmandar

ti DepEd ti temporaryo a suspension iti 55 a pagadalan a Salugpungan iti rehiyon ti Davao. Ti desisyon ti departamento ket nagbasar iti ulat dagiti opisyal militar ni Duterte a sursuruan kano dagitoy dagiti agtutubo a Lumad ken estudyante nga "agrebeldes iti gubyrno." Idi Hulyo 2017, nagpangta ni Rodrigo Duterte a bombaen dagiti pagadalan a Lumad.

Layon nga inpaserra ti DepEd ti 55 a pagadalan ti Lumad idi Oktubre 2019. Naaramat a rason ti departamento ti pannakapaay dagitoy a pagadalan nga agtungpal kadagiti "rekisitos ti gubyrno." Kadagiti simmaruno a tawen, inpaserran ti DepEd ti amin a 216 a pagadalan a Lumad idiay Mindanao.

Iti panggep a lapdan dagiti organisasyon ken komunidad dagiti Lumad a nangpadas nga agorganisa ken agitakder ti bukod a pagadalan, insukat ti DepEd dagiti "last mile school" nga iti kinapudno na ket saan met a naitakder wenno saan a nasimpa a naiwardas.

Siguden nga ipanpanawagan dagiti manursuro ken mangitantandudo iti karbengan dagiti nailyan a minority a balbaliw a luktan dagiti pagadalan a Lumad. Idurduron da daytoy tapno masigurado ti karbengan iti edukasyon dagiti katutubo a kabataan. AB

Imperyalista nga interbensyon iti panangibagsak iti guberno ti Syria

Idi umuna a lawas ti Disyembre 2024, napardas a naduprak ti guberno ti Syria ken napatalsik ti presidente daytoy a ni Bashar al-Assad, kalpasan a rimmaut ti kumbinasyon dagiti jihadista ken dagiti grupo a suportado, inarmanan ken koordinado ti US, Turkey, Israel ken uray ti UK.

Kangrunaan kadagiti grupo nga immatake ket ti Hey'etu Tahrîrî'shâm (HTS wenno Damascus Liberation Movement), a nagtaud iti naduprak a grupo ti ISIS. Tinudingan daytoy a "terorista" ti guberno a US ngem umaw-awat ti ayuda manipud iti UK nga alyado ti US iti NATO. Karaman met kadagiti rimmaut ti Syrian National Army, a direkta a suportado ti Turkey, ken ti Free Syrian Army (wenno Revolutionary Commando Army) a direkta a supsuportaran ti militar ti US a nakabase asideg iti nagbeddenganan ti Syria iti Iraq ken Jordan.

Iti unos ti 10 aldaw laeng, dinanon ti HTS ti Damascus, kabisera ti pagilyan, manipud iti kuta daytoy iti prubinsya ti Idlib iti amianan a laud a paset ti Syria. Ginasut a sibilyan ken dagiti soldado a Syrian ti pinatay dagiti pwersa daytoy iti naranggas a kampanya a sakupen ti Damascus. Napaspas a napugipog daytoy ti armada ti Syria.

Ti panangibagsak iti rehimen nga Assad ket paset ti umir-ireng nga inter-imperyalista a risiris iti intero a lubong, ken partikular iti Middle East. Resulta daytoy ti tuloytuloy a pannakibiang dagiti gangannaet a bileg iti Syria, nangruna ti imperyalismo a US iti balangkas ti tinudingan daytoy a Greater Middle East Initiative a narugian idi pay 2004. Paset ti pannakibiang daytoy ti US ti panag-armas iti nadumaduma a grupo manipud pay 2012 ken panangrubrob iti armado a susik iti pagilyan.

Apaman a bimmagsak ti guberno nga al-Assad, dagus a binigbig ti US ti HTS (a naitakder manipud iti tedda

ti ISIS) ken inikkat daytoy ti birngas a "terorista," ken inawagan a "moderato" ti dadaulo daytoy a ni Abu Mohammad al-Jolani, nga inikkan ti baro nga arwat iti imperyalista a midya. Makibibiang tatta ti Abu Mohammad al-Jolani, iti panangbukel ti baro a guberno iti Syria. Kabayatanna, gungundawayan ti Israel ti panagbagsak ni al-Assad ken dagus nga inokupar daytoy ti Golan Heights, kaniwas iti panangbigbig ti United Nations a paset daytoy ti Syria. Nagisayangkat met ti Israel kadagiti *airstrike* agingga iti Damascus tapno palawaen pay ti sakop daytoy a daga ti Syria.

Saan a mailimed a ti panangbagsak iti guberno ti Syria ket paset ti panagpalawa ti US ken kapadana nga imperyalista iti armado a binnusor iti Middle East. Agtultuloy nga umar-arangkada ti henosidyo ti Israel iti Palestine ken ti nabanwar a panaglaban dagiti pwersa a Palestino, kasta met dagiti pwersa a Hezbollah ken umili a Lebanese laban daytoy.

Kagiddan ti panagraut idia Damascus, inatake met dagiti pwersa nga HTS, kabinnadang ti Syrian National Army, ken suportado dagiti *airstrike* ti Turkey, dagiti pwersa a

Kurdish ken rebolusyonaryo a pwersa iti awtonomo a rehiyon dagiti Kurd iti amianan a daya a paset ti Syria. Daytoy ti lugar nga Autonomous Administration of North and East Syria a mabigbig iti awag a Rojava.

Daytoy a lugar ket kangrunaan a nakapasidong iti (People's Protection Unit) ken YPJ (milisya ti babbai) a paset ti Syrian Defense Forces. Masarakan met daytoy ti nadumaduma a rebolusyonaryo nga armado a grupo, kas ti sumagmamano a yunit ti TIKKO a Hukbo dagiti Mangmangged ken Mannalon ti Turkey (hukbo ti Partido Komunista ti Turkey-Marxista-Leninista wenno TKP-ML).

Segun iti KP-ML, saan a "rebolusyon ti umili" ti napasamak idia Syria nu di ket panagraira ti "proyekto ti NATO" nga inyaramid dagiti operatiba ti US, UK, Turkey ken Israel. "Ti panagtaud ken panagduras dagiti Salafista a jihadist a grupo, nangruna ti HST nga immagaw ti turay iti Syria, ket direkta a resulta ti panangsanay ken panangpondo dagiti imperyalista ken dagiti reaksyunaryo nga estado iti rehiyon." Iti panang-agaw ti turay ti HTS, a suportado ti US-Israel, NATO ken Turkey, sumangsango ti umili a Kurd, partikular dagiti babbai, ti dakkal a pangta ti panagsakop ken kinaranggas.

Rumbeng a tumakder dagiti pwersa nga anti-imperyalista ken rebolusyonaryo tapno suportaran ti umili ti Syria iti dangadang da para iti pudno a demokrasya ken nailyan a panagwaywayas. Iti panangpadisi ken al-Assad, ti Syria ket mapasidong iti dominasyon ken kontrol ti turay ti US-Israel ken Turkey, nga addaan gagem a kontrolen ti kabuklan ti Middle East ken ti nabaknang a rekursito iti langis.

